



Na osnovu Memoranduma o razumijevanju u kontekstu projekta: "Investicijski odgovor na COVID-19", broj: 07-02-04-46329/22 od 21.11.2022. godine zaključenog između Ministarstva privrede Kantona Sarajevo, Deutsche Gesellschaft für Internationale Zusammenarbeit (GIZ) GmbH i Sarajevske regionalne razvojne agencije SERDA d.o.o Sarajevo, Sporazuma broj: 81289615 od 16.11.2022. godine zaključenog između Deutsche Gesellschaft für Internationale Zusammenarbeit (GIZ) GmbH i Sarajevske regionalne razvojne agencije SERDA d.o.o. Sarajevo, te Sporazuma o poslovnoj saradnji na provođenju projekta: "Podrška MSP u energetske tranziciji", broj: 07-04-11-51762/22 od 30.12.2022. godine zaključenog između Ministarstva privrede Kantona Sarajevo i Sarajevske regionalne razvojne agencije SERDA d.o.o. Sarajevo, Sarajevska regionalna razvojna agencija SERDA d.o.o. Sarajevo objavljuje

## **JAVNI POZIV ZA SUFINASIRANJE MJERA ENERGIJSKE TRANZICIJE ZA MALA I SREDNJA PREDUZEĆA IZ OBLASTI DRVNE I METALOPRERAĐIVAČKE INDUSTRIJE U KANTONU SARAJEVO**

### **1. PREDMET I SVRHA JAVNOG POZIVA**

Predmet javnog poziva je prikupljanje prijave za tehničku i bespovratnu finansijsku podršku za implementaciju mjera energetske efikasnosti u energetske tranziciji malih i srednjih preduzeća (u daljnjem tekstu: MSP) iz oblasti drvne i metaloprerađivačke industrije u Kantonu Sarajevo u sklopu projekta "Razvoj održive turističke prakse i energetski efikasnog poslovanja u Bosni i Hercegovini" koji implementira Sarajevska regionalna razvojna agencija SERDA d.o.o. Sarajevo, a finansira ga **Deutsche Gesellschaft für Internationale Zusammenarbeit (GIZ) GmbH** i Ministarstvo privrede Kantona Sarajevo.

MSP u smislu ovog Javnog poziva definiše se kao pravno lice koje spada u kategoriju subjekata male privrede definisanim članom 3. Zakona o poticaja razvoja male privrede ("Službene novine Kantona Sarajevo", broj 29/15).

**Napomena:** U ovom Javnom pozivu, Zakon o poticaju razvoja male privrede ("Službene novine Kantona Sarajevo", broj 29/15) primjenjuje se isključivo u svrhu definisanja MSP-a, te se odredbe ovog Zakona ne primjenjuju na bilo koji drugi dio ovog Javnog poziva.

U okviru projekta predviđena je tehnička i finansijska podrška u energetske tranziciji za najmanje deset MSP-ova, a čini je:

- provedba detaljnih energetske analiza,
- identifikacija potencijalnih mjera i projekata za implementaciju mjera energetske tranzicije (sa fokusom na energetske efikasnost i tehnologije obnovljivih izvora energije),
- provedba analize energetske i okolinskih benefita kao i utjecaja identificiranih mjera i projekata energetske tranzicije,
- odabir mjera/projekata za implementaciju mjera energetske tranzicije na osnovu prethodnih analiza i audita,
- provedba odabranih mjera/projekata energetske tranzicije u MSP-ovima uz finansijsku podršku Ministarstva privrede Kantona Sarajevo,

Implementiraju:





- praćenje i nadzor provedbe, te evaluacija i verifikacija postignutih efekata nakon provedbe odabranih mjera/projekata energijske tranzicije u MSP-ima.

Svrha provedbe ovog seta aktivnosti je pružanje podrške MSP-ovima u energijskoj tranziciji, kroz iskorištavanje potencijala energijske efikasnosti i tehnologija obnovljivih izvora energije, a sa krajnjim ciljem ublažavanja ili uklanjanja opasnosti i negativnog utjecaja ovisnosti o fosilnim gorivima.

## 2. O PROJEKTU

Projekat je financiran od strane Ministarstva privrede Kantona Sarajevo i Deutsche Gesellschaft für Internationale Zusammenarbeit (GIZ) GmbH, a implementira ga Sarajevska regionalna razvojna agencija SERDA d.o.o. Sarajevo.

Cilj projekta je podrška malim i srednjim preduzećima na području Kantona Sarajevo kroz izradu energijske analize koja će obuhvatiti energetske efikasnost, tehnološke procese kao i transport u procesima proizvodnje i pružanja usluga i definisanje mjera za smanjenje emisije ugljen dioksida, te sufinansiranje implementacije mjera, a koje će MSP-ovi implementirati kako bi se smanjila emisija ugljen dioksida u procesima proizvodnje, transporta kao i korištenja energenta za zagrijavanje proizvodnih prostora.

Projektom je predviđeno osiguranja finansijske pomoći za energetske tranziciju u cca 10 MSP-ova.

## 3. ZAŠTITA PODATAKA

Sarajevska regionalna razvojna agencija SERDA d.o.o. Sarajevo osigurava zaštitu ličnih podataka odgovorno i u skladu sa svojim pravilima, najboljim praksama struke i tehničkim i finansijskim mogućnostima, slijedeći načela zakonitosti, pravilnosti i transparentnosti. Svi podaci koje podnosioci prijava budu dostavili će se koristiti isključivo za potrebe ovog projekta.

## 4. PRAVILA JAVNOG POZIVA

Pravila javnog poziva definišu prihvatljive podnosiocima prijave, te uslove i kriterije koje podnesene prijave moraju zadovoljiti kako bi bile uzete u obzir za pružanje tehničke i finansijske podrške.

### 4.1. Prihvatljivi podnosioci prijave za tehničku i finansijsku podršku

Prihvatljivi podnosioci prijave za podršku su MSP-ovi, koji su registrovani ili imaju podružnicu registrovanu u Kantonu Sarajevo najmanje dvije godine prije objave ovog Javnog poziva. Podružnica registrovana na području Kantona Sarajevo mora imati karakter proizvodnog pogona u kojem će se primijeniti mjera/mjere energijske tranzicije.

Prihvatljivi podnosioci prijave moraju obavljati registrovanu osnovnu djelatnost prema KD BiH 2010 i to, kako slijedi:

- u razredima: 16.21 - Proizvodnja furnira i ostalih ploča od drva, 16.22 - Proizvodnja sastavljenog parketa, 16.23 Proizvodnja ostale građevne stolarije i elemenata, 16.24 - Proizvodnja ambalaže od drva, 16.29 - Proizvodnja ostalih proizvoda od drva, proizvoda od pluta, slame i pletarskih materijala; i
- u oblastima: 24 - Proizvodnja baznih metala i 25 - Proizvodnja gotovih metalnih proizvoda, osim mašina i opreme, s tim da poslovni subjekti koji obavljaju registrovanu osnovnu djelatnost u razredu 25.40 - Proizvodnja oružja i municije nemaju pravo podnošenja prijave na ovaj Javni poziv.

Implementiraju:





Podnosioci prijava mogu podnijeti samo jednu prijavu na ovaj javni poziv. Podnosioci prijava podnose prijave isključivo samostalno. Prijave više podnosilaca u okviru jednog prijedloga neće biti uzete u obzir. Podnosioci prijava su odgovorni za pružanje informacija i dokumenata za tehničku podršku i omogućavanje implementacije projekta energetske tranzicije uključujući i finansijske obaveze.

Podnosioci prijava trebaju ispunjavati sve uslove definisane ovim javnim pozivom, odnosno prijava treba da bude pripremljena u skladu sa zahtjevima i karakteristikama datim u javnom pozivu, uključujući i odgovarajuće priloge.

#### 4.2. Neprihvatljivi podnosioci prijava

Neće se razmatrati ni odabrati podnosioci prijava za koje se utvrdi da:

- nisu MSP u smislu ovog Javnog poziva,
- nisu dostavili propisno ispunjene priloge 1. i 2. ovog Javnog poziva,
- su kroz prijavu dostavili neistinite i netačne informacije i popratnu dokumentaciju,
- su u postupku predstečajne nagodbe ili likvidacije,
- nisu registrovani na području Kantona Sarajevo (osim ako imaju podružnicu registrovanu na području Kantona Sarajevo),
- nisu ispunili obaveze plaćanja dospjelih poreza i doprinosa za penziona i zdravstveno osiguranje u skladu sa zakonskim odredbama (podnosioci prijave koji imaju sklopljen ugovor sa poreskim organima u FBiH o servisiranju duga neće biti uzeti u razmatranje),
- nisu ispunili obaveze plaćanja indirektnih poreza,
- su osuđeni za kazneno djelo vezano za svoje poslovanje na temelju pravosnažne presude;
- su ostvarili negativan poslovni rezultat u 2022. godini,
- ne obavljaju registrovanu osnovnu djelatnost prema KD BiH 2010 kako je to definisano u podtački 4.1 ovog Javnog poziva,

#### 4.3. Visina finansijske podrške za korisnike projekta

**Ministratvo privrede Kantona Sarajevo** će u sklopu projekta **finansirati izradu** energetske analize sa ciljem identifikacije i odabira mjera i projekata za energetske tranzicije u iznosu do 100.000,00 KM i sufinansirati implementaciju mjera energetske tranzicije u iznosu do 39.500,00 KM po MSP-u, a maksimalno 49% vrijednosti mjere/mjera energetske tranzicije po MSP-u. U slučaju slabijeg odziva od planiranog, Projektni tim može odobriti veći pojedinačni iznos za sufinansiranje mjera energetske tranzicije.

**U planu je da provedba mjera energetske tranzicije bude finansijski podržana od strane projekta i korisnika. Ukupna raspoloživa sredstva za podršku MSP-ovima za provedbu mjera/mjere energetske tranzicije iznose 395.000,00 KM po ovom Javnom pozivu. Planirano je da se podrži cca 10 MSP-ova,** a tačan iznos podrške pojedinačnih projekata i tačan broj podržanih korisnika će biti definiran nakon provedbe energetske analize kod cca 14 odabranih korisnika i odabira mjera za energetske tranzicije za cca 10 korisnika kod kojih se provede prednje navedena energetska analiza. Ovim Javnim pozivom predviđeno je da odabrani korisnik mora osigurati vlastito sufinansiranje u iznosu od minimalno 51% ukupnog iznosa troškova investicije u mjeru/mjere. Sufinansiranje MSP-a mora biti novčano te se učešće neke druge vrste neće uzimati u obzir.

Implementiraju:





Odabranim MSP-ovima će isplata odobrenih sredstava biti izvršena nakon potpune realizacije odobrenih mjera i dostavljene prateće dokumentacije kojom se dokazuje da je mjera/su mjere u potpunosti realizirana/realizirane.

Sarajevska regionalna razvojna agencija SERDA d.o.o. Sarajevo zaključit će pojedinačne ugovore o dodjeli tehničke pomoći analize energijske efikasnosti MSP-ova i njihovog karbonskog otiska i definiranja mjera za postizanje karbonske neutralnosti na osnovu analize sa odabranim korisnicima kod kojih će se provesti ova analiza.

Sarajevska regionalna razvojna agencija SERDA d.o.o. Sarajevo zaključit će pojedinačne ugovore o dodjeli Finansijske pomoći u vidu implementacije mjera za postizanje karbonske neutralnosti utvrđenih na osnovu prednje navedene analize sa odabranim korisnicima kod kojih će se provoditi ove mjere.

#### 4.4. Uslovi za evaluaciju zaprimljenih prijava

Zaprimljene prijave za tehničku i finansijsku podršku za energijsku tranziciju MSP-a će se ocjenjivati na osnovu niže opisanih uslova i kriterija koje treba da ispune potencijalni korisnici (podnosioci prijave). Kriteriji su dati u poglavlju 6. Bodovanje i odabir korisnika.

Ispunjenje uslova je obavezno (eliminatorsno), dok se na osnovu kriterija vrši bodovanje i rangiranje prijava koje se u ovisnosti o osvojenom broju bodova predlažu za realizaciju podrške.

Podnosioci prijave moraju ispuniti sljedeće uslove:

- podnositelj prijave je dostavio potpuni prijavni paket u štampanom formatu, te je sve dokumente koji čine ovaj prijavni paket ovjerio potpisom ovlaštenog lica u pravnom licu i pečatom pravnog lica,
- podnositelj prijave je MSP u smislu ovog Javnog poziva,
- podnositelj prijave ima sjedište na teritoriji Kantona Sarajevo ili registrovanu podružnicu proizvodnog karaktera na teritoriji Kantona Sarajevo,
- planirana investicija će se realizovati na teritoriji Kantona Sarajevo,
- podnositelj prijave je registrovan kao pravno lice minimalno dvije godine prije objave ovog Javnog poziva,
- obavlja registrovanu osnovnu djelatnost prema KD BiH 2010 kako je to definisano u tački 4.1 ovog Javnog poziva više od jedne godine od dana objave ovog Javnog poziva;
- podnositelj prijave će osigurati finansijska sredstva za sufinansiranje projekta u minimalnom iznosu od 51% od ukupnog iznosa troškova realizacije investicije u jednu ili više mjera energetske tranzicije u skladu sa rezultatima energijske analize;
- podnositelj prijave je ostvario pozitivan poslovni rezultat u 2022. godini;
- podnositelj prijave nema blokiran nijedan bankovni račun u trenutku podnošenja prijave na ovaj javni poziv;
- podnositelj prijave nije imao, odnosno nema blokiran račun duže od 30 dana u posljednjih 12 mjeseci prije objave ovog Javnog poziva;
- podnositelj prijave nema dospjelih, a neizmirenih obaveza po osnovu poreza (direktni i indirektni porezi) i drugih davanja, uključujući i one prema uposlenicima, poreza na dobit i ostalih dospjelih a neizmirenih obaveza,

Implementiraju:





- podnosilac prijave nije u postupku predstečajne nagodbe ili likvidacije i
- vlasnik i/ili odgovorno lice podnosioca prijave nije osuđivan za kazneno djelo vezano za svoje poslovanje na temelju pravosnažne presude.

Projektni tim ima pravo da od podnosioca prijave traži pojašnjenje ili dodatnu dokumentaciju.

## 5. NAČIN PODNOŠENJA PRIJAVA I NJIHOVO OCJENJIVANJE

Prijave za podršku trebaju biti dostavljene u formi koju propisuje ovaj Javni poziv, uključujući sve tražene priloge i dokumentaciju. Prijave se podnose na jednom od službenih jezika BiH. Rukom pisane i nepotpune prijave se neće uzeti u razmatranje.

### 5.1. Potrebna dokumentacija

Obavezna dokumentacija koju trebaju dostaviti podnosioci prijava je:

1. Ispravno popunjen obrazac prijave, ovjeren potpisom ovlaštenog lica i pečatom pravnog lica - Prilog 1 (original);
2. Izjava da će nakon izrade energijskih analiza obezbijediti sredstva za provedbu mjera/mjera energetske tranzicije - ovjeren potpisom ovlaštenog lica i pečatom pravnog lica, u originalu (Prilog 2);
3. Rješenje o registraciji pravnog lica (fotokopija ovjerena od nadležnog organa - općina/notar) i Aktuelni izvod iz sudskog registra za pravno lice (original ili fotokopija ovjerena od nadležnog organa - općina/notar);
4. Obavještenje o razvrstavanju pravnog lica prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (fotokopija ovjerena od nadležnog organa - općina/notar);
5. Računi za električnu energiju za 2022. godinu (kopije, a kontrola na licu mjesta);
6. Računi za nabavku energenata koji ne uključuju električnu energiju za 2022. godinu (kopije, a kontrola na licu mjesta);
7. Inventurna lista (koja sadrži podatke o energentima na zalihama) na dan 31.12.2021. godine (kopija, a kontrola na licu mjesta);
8. Inventurna lista (koja sadrži podatke o energentima na zalihama) na dan 31.12.2022. godine (kopija, a kontrola na licu mjesta);
9. Bilans stanja na dan 31.12.2022. godine i bilans uspjeha za period od 01.01.2022. do 31.12.2022. godine (fotokopije ovjerene od nadležnog organa – općina/notar);
10. Uvjerenje Porezne uprave Federacije Bosne i Hercegovine o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave ovog javnog poziva **sa obaveznim prilogom - Lista osiguranih za obveznika** (original ili fotokopija ovjerena od nadležnog organa - općina/notar);
11. Uvjerenje o izmirenim indirektnim porezima izdato od Uprave za indirektno oporezivanje, ne starije od 60 dana od dana objave javnog poziva ili Uvjerenje Uprave za indirektno oporezivanje da podnosilac prijave nije upisan u Jedinostveni registar obveznika indirektnih poreza, ne starije

Implementiraju:







od 60 dana od dana objave ovog javnog poziva, ukoliko podnosilac prijave nije obveznik po ovom osnovu (original ili fotokopija ovjerena od nadležnog organa - općina/notar);

12. Potpisana izjava vlasnika/odgovornog lica podnosioca prijave da pravno lice nije u postupku predstečajne nagodbe ili likvidacije, ovjerena od nadležnog organa (općina - notar) (original);
13. Uvjerenje o nevođenju krivičnog postupka protiv ovlaštenog lica podnosioca prijave izdato od strane nadležnog organa ne starije od 60 dana (original).

## 5.2. Način dostavljanja prijave

Svi zainteresovani podnosioci prijave trebaju dostaviti svoju prijavu putem pošte ili lično na protokol Sarajevske regionalne razvojne agencije SERDA d.o.o. Sarajevo.

Pri dostavi prijave putem pošte ili lično na Protokol, prijava treba biti zapakovana u koverti sa naznakom "Prijava na javni poziv za sufinansiranje mjera energijske tranzicije za MSP iz drvne i metaloprerađivačke industrije u Kantonu Sarajevo" i dostavljena na adresu:

**Sarajevska regionalna razvojna agencija SERDA d.o.o. Sarajevo**

**Kolodvorska 6**

**71000 Sarajevo.**

## 5.3. Krajnji rok za podnošenje prijave

Prijave se mogu podnijeti do 22. marta 2023. godine do 14:00 sati. Prijave podnesene nakon isteka roka se neće uzeti u razmatranje.

## 5.4. Dodatne informacije

Dodatna pitanja u vezi ovog poziva se mogu dostaviti putem e-maila: [serda@serda.ba](mailto:serda@serda.ba). Upit za prijavu za učešće na javnom pozivu za odabir MSP-ova za sufinansiranje mjera energijske tranzicije se može poslati u periodu od 17.02.2023. godine do 17.03.2023. godine. Na sva pitanja koja stignu prije ili poslije navedenog roka se neće odgovarati. Prije postavljanja pitanja zainteresovani podnosioci prijave trebaju pažljivo pročitati javni poziv.

## 5.5. Informisanje potencijalnih podnosioca prijave o javnom pozivu

Neposredno nakon objave javnog poziva Sarajevska regionalna razvojna agencija SERDA d.o.o. Sarajevo će organizovati info sesije u svojim prostorijama (Kolodvorska 6, Pofalići) tokom kojih će se prezentirati najvažniji aspekti Javnog poziva. Info sesije će biti održane (srijeda) 22.02.2023., (utorak) 28.02.2023., (utorak) 07.03.2023., (srijeda) 15.03.2023. godine u terminu od 10-12 sati.

## 6. BODOVANJE I ODABIR KORISNIKA

Podnesene prijave će provjeravati i ocjenjivati Projektni tim za realizaciju projekta "Razvoj održive turističke prakse i energetske efikasnog poslovanja u Bosni i Hercegovini". Sve dostavljene prijave će se ocjenjivati u četiri koraka, u skladu sa ispod propisanim uslovima i kriterijima.

### Korak 1: Otvaranje pristiglih prijave, provjera administrativne usklađenosti i ispunjenosti općih kriterija

U sklopu prvog koraka, po prijemu i otvaranju prijave, provjerava se njihova usklađenost sa općim uslovima (podtačke 4.2 i 4.4. tačke 4. ovog Javnog poziva). Ukoliko podnesena prijava ne zadovoljava opće uslove, prijava neće biti dalje razmatrana.

### Korak 2: Bodovanje prijave

Implementiraju:



Drugi korak podrazumijeva bodovanje podnesenog prijedloga na osnovu posebnih kriterija u skladu sa tabelom za bodovanje, kroz terensku posjetu podnosiocima prijave koji su zadovoljili opće uslove, a prilikom koje terenske posjete stručna lica u Projektnom timu vrše bodovanje po kriterijima na osnovu dostupne dostavljene dokazne dokumentacije i zapisničkog evidentiranja stanja na terenu.

Prijave koje su zadovoljile administrativnu provjeru, odnosno ispunile opće uslove, ocjenjuju se na osnovu kriterija navedenih u nastavku.

1. Potrošnja energije po zaposlenom u 2022. godini;
2. Potrošnja energije po prihodu u 2022. godini;
3. Udio fosilnih goriva u ukupnoj potrošnji energije u 2022. godini; i
4. Udio prihoda ostvarenog od izvoza u odnosu na ukupni ostvareni prihod u 2022. godini.

**Kriterij 1: Maksimalni broj bodova koji se može dobiti prema ovom kriteriju je 10.**

Bodovanje će se provesti po sljedećoj formuli:

$(\text{Potrošnja energije po zaposlenom u MSP}) / (\text{Najveća potrošnja energije po zaposlenom od svih prijava koje su prošle korak 1}) * 10$

Vrijednost bodova iskazuje se sa dva decimalna mjesta.

**Kriterij 2: Maksimalni broj bodova koji se može dobiti prema ovom kriteriju je 10.**

Bodovanje će se provesti po sljedećoj formuli:

$(\text{Potrošnja energije po godišnjem prihodu MSP}) / (\text{Najveća potrošnja energije po godišnjem prihodu MSP od svih prijava koje su prošle korak 1}) * 10$

Vrijednost bodova iskazuje se sa dva decimalna mjesta.

**Kriterij 3: Maksimalni broj bodova koji se može dobiti prema ovom kriteriju je 10.**

Bodovanje će se provesti po sljedećoj formuli:

$(\text{Udio fosilnih goriva u ukupnoj potrošnji energije u MSP}) / (\text{Najveći udio fosilnih goriva u ukupnoj potrošnji energije u MSP od svih prijava koje su prošle korak 1}) * 10$

Vrijednost bodova iskazuje se sa dva decimalna mjesta.

**Kriterij 4: Maksimalni broj bodova koji se može dobiti prema ovom kriteriju je 10.**

Bodovanje će se provesti po sljedećoj formuli:

$(\text{Udio prihoda ostvarenog od izvoza u odnosu na ukupni ostvareni prihod u 2022. godini u MSP}) / (\text{Najveći udio prihoda ostvaren od izvoza u odnosu na ukupni ostvareni prihod u 2022. godini u MSP od svih prijava koje su prošle korak 1}) * 10$

Nakon ocjenjivanja prijedloga u skladu s navedenim kriterijima, definiše se rang lista u skladu s ostvarenim brojem bodova.

**Korak 3: Odabir i rangiranje korisnika s kojima će Sarajevska regionalna razvojna agencija SERDA d.o.o. Sarajevo zaključiti pojedinačne ugovore o dodjeli tehničke pomoći analize energijske efikasnosti**

Nakon provođenja drugog koraka, vrši se odabir i rangiranje korisnika s kojima će Sarajevska regionalna razvojna agencija SERDA d.o.o. Sarajevo zaključiti pojedinačne ugovore o dodjeli tehničke pomoći analize

Implementiraju:





energijske efikasnosti MSP-ova i njihovog karbonskog otiska i definiranja mjera za postizanje karbonske neutralnosti na osnovu analize sa odabranim korisnicima kod kojih će se provesti ova analiza.

#### **Korak 4: Sačinjavanje liste odabranih korisnika sa kojima će Sarajevska regionalna razvojna agencija SERDA d.o.o. Sarajevo zaključiti pojedinačne ugovore o dodjeli Finansijske pomoći u vidu implementacije mjera za postizanje karbonske neutralnosti**

Nakon provedene predmetne analize i utvrđivanja potrebnih mjera, bit će sačinjena lista odabranih korisnika sa rang liste iz Koraka 3. ovog Javnog poziva sa kojima će Sarajevska regionalna razvojna agencija SERDA d.o.o. Sarajevo zaključiti pojedinačne ugovore o dodjeli Finansijske pomoći u vidu implementacije mjera za postizanje karbonske neutralnosti utvrđenih na osnovu prednje navedene analize. Broj odabranih korisnika kod kojih će biti provedene predmetne mjere bit će ograničen ukupnim raspoloživim sredstvima za podršku MSP-ovima za provedbu mjera/mjere energijske tranzicije, odnosno ukupnim raspoloživim sredstvima u iznosu od 395.000,00 KM.

#### **7. OBAVIJEST O REZULTATIMA POZIVA I OKVIRNI VREMENSKI PLAN AKTIVNOSTI**

Projektni tim za realizaciju projekta će nakon ocjenjivanja pristiglih prijava napraviti odnosne liste odabranih korisnika, koje će biti objavljene na web stranici [www.serda.ba](http://www.serda.ba) kao i na stranici Ministarstva privrede Kantona Sarajevo.

#### **8. ODLUKA O DODJELI SREDSTAVA I POTPISIVANJE UGOVORA**

Nakon potpisivanja ugovora iz Koraka 3. ovog Javnog poziva, Sarajevska regionalna razvojna agencija SERDA d.o.o. Sarajevo će angažovati kompanije za izradu energijskih analiza za svaki MSP s kojim se potpiše ugovor. Svrha izrade energijskih analiza je identifikacija i detaljna analiza mjera energijske tranzicije. Nakon potpisivanja ugovora iz Koraka 4. ovog Javnog poziva, Finansijska podrška će se realizovati isključivo za mjeru/mjere za koje se utvrdi energijskom analizom da su opravdane (finansijski i okolinski). Korisnici se obavezuju da će sve planove i obaveze koje su definirane projektom energijske tranzicije i Ugovorom realizirati u skladu sa dinamikom projekta. Sufinansiranje od strane projekta će biti realizovano prema odabranim korisnicima nakon što realizuju investicije u odabrane mjere energijske tranzicije, a što će verificirati Projektni tim.

Korisnici sredstava podrške moraju osigurati održivost projekta, odnosno tokom razdoblja trajanja projekta moraju osigurati:

- da vlasništvo nad materijalnom ili nematerijalnom imovinom nabavljenom kao rezultat podrške ostaje nepromjenjeno, tj. korisnik ne smije prodavati, otuđivati, prebacivati ili na bilo koji drugi način izvršiti transfer nad vlasništvom nabavljenih stvari prema trećim fizičkim i pravnim licima minimalno tri godine od završetka ugovora;
- održavanje opreme i druge imovine nabavljene tokom projekta u skladu sa preporukama proizvođača i/ili dobavljača;
- čuvanje cjelokupne dokumentacije koja se odnosi na ugovor sa Sarajevskom regionalnom agencijom SERDA d.o.o. Sarajevo najmanje tri godine nakon implementacije projekta.

Korisnici su obavezni da dostave izvještaj o realizovanim mjerama energijske tranzicije Sarajevskoj regionalnoj razvojnoj agenciji SERDA d.o.o. Sarajevo do 10.10.2023. godine, kao osnovu za provjeru i verifikaciju rezultata primjene mjere energijske tranzicije i plaćanje sredstava podrške.

Implementiraju:







## 9. KONTROLA REALIZACIJE INVESTICIJE I PRAĆENJE

Projektni tim će provoditi detaljno praćenje provedbe odobrenih investicija. Podnosilac prijave se svojim potpisom na prijavi za ovaj javni poziv obavezuje da će omogućiti neometan i cjelovit pristup dokumentaciji, poslovnom prostoru i ostalim relevantnim objektima i opremi, kako bi se mogao utvrditi stvarni stepen provedbe investicije. Svrha takvih posjeta je provjera realizacije investicije u skladu sa dogovorenim planovima, provjera postojanja opreme, mašina i objekata koji su predmet investicije, njihove ispravnosti i namjenskog korištenja, itd.

Korisnik je dužan omogućiti provedbu energijske analize i dostaviti sve podatke kompaniji koja bude angažovana za izradu istih.

## 10. PROMOCIJA PROJEKTA

Korisnik sredstava podrške, s kojim se potpiše ugovor iz Koraka 3. i ugovor iz Koraka 4. ovog Javnog poziva, u okviru ovog Javnog poziva će biti obavezan da omogući pristup sredstvima javnog informisanja u cilju promocije Projekta podrške MSP u energijskoj tranziciji.

Dodatno, svim korisnicima podrške, bit će dostavljene smjernice o vidljivosti projekta koje su obavezujuće pri promociji i kreiranju promotivnog sadržaja vezanog za provedenu investiciju.

## PRILOZI

### Prilog 1. Obrazac za prijavu na javni poziv

Ovaj dokument je dostupan kao poseban Word dokument i može se pronaći u sekciji Prilozi.

### Prilog 2. Izjava o sufinansiranju

Ovaj dokument je dostupan kao poseban Word dokument i može se pronaći u sekciji Prilozi.

---

Implementiraju:

